

# ქართობი



N:

19. ს ა ხ ა დ ბ ა მ ი . 35



# ოქტომბერი

№ 3

მარტი 1935 წ.

სამ. ა. ლ. კაპ. ცეკასა და სამ. განსახკომის ერთთვიური ჟურნალი

მისამართი: კარვის ქ. № 7

## შინაური

1. მხიარული მეგობრები (ლექსი) — გიორგი კაჭხიძის . . . . . 1
2. მუშების სიმღერა (ლექსი) — სიო ხიდისთაველას . . . . . 1
3. მურიკას მარცხი — ცქვიტის . . . . . 2
4. კრებაზე (ლექსი) — ვალია კუპრადის . . . . . 3
5. აკაკი წერეთელი — ტატიანასი . . . . . 3
6. ჩემი თხა (ლექსი) — აკაკის . . . . . 5
7. აკაკის ნაკვეთები . . . . . 6
8. აკაკის ბავშვობის შაირები . . . . . 7
9. ნეტავ ვერ მენახა — ლავრ. ჭიჭინაძის . . . . . 8
10. ცუცას ძაღლი (ლექსი) — შიმქრაღის . . . . . 9
11. ყანჩების ოჯახი — ბორის ჩხეიძის . . . . . 9
12. ჩენი ყურში (ლექსი) — ნ. შველიძის . . . . . 11
13. დიდგულა ვატმანი — ნინო ტყეშელაშვილის . . . . . 11
14. გაგვიზაფხულდა — გიორგი კალანდაძის . . . . . 13
15. უცხო სტუმრები — ია. ჩხაიძის . . . . . 15
16. გორგონტინა გოგონა — ვადმ. რუსულიძან ლ. მეტრეველის მიერ . . . . . 18

## ბავშვთა შემოქმედება

17. მიტოს სიზმარი — ლ. თაბუკაშვილას . . . . . 19
18. რიონის ბედი — ბოჩ. მელიქიასი . . . . . 20
19. გლეხის სიმღერა — ოთარ. კანდელაკის . . . . . 20
20. რედაქციის შენიშვნები პატარა ავტორების საკურალდებოდ . . . . . 20

## ზასართობები

21. მსურავი გედი და კურღლელო . . . . . 21
22. ყურები ფეხებზე — თამარ ჩერქეზიშვილის . . . . . 22
23. ბუნგლიას ოინი — კ. დევედარიანის . . . . . 22
24. რა ფრინველია? — ალ. საჩინოელის . . . . . 23
25. სათამაშო გემი . . . . . 23
26. კარგი წეროები — შ. თ. . . . . 24
27. კვადრატები — კლ. თევზაძის . . . . . 24

ჟურნალის მხატვრობა ეკუთვნის ა. გიგოლაშვილს  
ყდა — ბ. კახიძეს

# მხიარული მეგობრები



მე თქვენ გიცნობთ, კარგად გიცნობთ,  
 ვიცი თქვენი ფიქრი, ენა...  
 მეც მქონია თქვენი გული,  
 მეც ვყოფილვარ თქვენოდენა.  
 სადაც გხედავთ, კარგები ხართ,  
 მხიარულობთ ყველგან, მუდამ...  
 იცით ფხიზლად წიგნის გაშლა  
 და თამაში როგორ უნდა.  
 მიყვარს პოეტს ენა თქვენი,  
 მოხარდისთვის ყურისგდება,  
 რომ გიყურებთ, ჩემი დღენი  
 და ბავშვობა მაგონდება.  
 მეც ვიცოდი რბენა, ხტომა,  
 შევეცინოდი ბალს თუ ჭერამს.

მახარებდა მინდვრად გასვლა,  
 მდინარე და თევზის ჭერა.  
 ტყე მიყვარდა და წისქვილთან  
 ტირიფების მწვანე რიგი,  
 სალამოთი ჩუმი სიო,  
 შხის ჩასვლა და ზღაპრის წიგნი.  
 მიყვარს ის დრო უდარდელი,  
 ბავშვობაზე მიყვარს წერა,  
 და შევეცინი ახლაც ხშირად  
 თქვენი თვალით ბალს თუ ჭერამს.  
 ჩვენ ახლო ვართ ერთმანეთთან,  
 არ გვაერთებს გზები ვიწრო;  
 ჩემს მხიარულ მეგობრებად  
 და ლექსების ხალხად გიცნობთ.

გიორგი კაჭახიძე

1541

## მუშაუბის სიმღერა

ერთმანეთთან გვაკავშირებს  
 მუშებს გრძნობა ძმობის,  
 ქვეყნის საქმე, მიზანი და  
 ხმა მომავალ ბრძოლის.

გაშლილი გვაქვს დამკვრელობა  
 ჩვენ ბრიგადებს შორის...  
 ვართ მხესავით მხურვალე და  
 შეუქის წარმომშობი.

ქვეყნის დოვლათს ზრდის ყოველდღე  
 ჩვენი წმინდა ოფელი,  
 და ცხოვრებაც წინ მიიწევეს  
 ქალაქის და სოფლის...

სიო ხიდისთაველი



# მურყას მარცხი

არც კი რცხენია მურყას! წუხელი თურმე ისე მოტყუვდა, რომ მთელი უბანი იმაზე ხარხარებდა.

გუშინ შაქრო მთელი დღით გაღმა უბანში ქვისლთან სტუმრად წასულიყო და მურყაც თან წაჰყოლოდა.

მშვენიერი წყნარი ამინდი იდგა, და თოვლი ისე სქლად ბარდნიდა, რომ ერთი საათის განმავლობაში ორ მტკაველზე დადო.

მთელი უბნის ბავშვები მთლად გარეთ გამოიშალნენ, ჯერ გუნდაობით მოიქანცნენ, მერე ციგებით ურწავას აღმართისაკენ გაეშურენ და იქაც ციგაობით გული რომ იჯერეს, პაპანთ დიდი ბოსლის უკან ისეთი დიდცხვირა თოვლის კაცი გააკეთეს, რომ სიცილით იხრცებოდნენ. თოვლის კაცს, მათეს, ძველი მაზარა წამოასხეს, თავზე ძირშენგრეული ქოთანის ჩამოამხეს, პირში გოდერძანთ დემეტრას ჩიბუხი გაუკეთეს და სიხარულით ტაში შემოკრეს.

— დაქუეტილი თვალეებით და ამ ჩიბუხით მართლა გოდერძანთ დემეტრასა ჰგავსო! — სიცილით ამბობდნენ ბავშვები.

კარგაშვდამებული წიკო, როცა შაქრო და მურყა შინ დაბრუნდნენ. ჩვეულები-სამებრ, ძალი შაქროს გარეთ უცდიდა. იქვე ღირესთან მიწოლილი მურყა ქუქრუტანიდან გემრიელი ღორის ხორცისუნს ყნოსავდა, თან კისერს გადაავდ-გადმოავდებდა და ჯამჭურჭელის წკრი-ალზე მოუთმენლოდ წკმუტუნებდა.

— ჰაზვამ, შე სამგლე, შენ! მოთმინება ვეღარ გეყო? — გამოსძახა შიგნიდან მაგ-დამ, მიყრუებულ ბინდ-ბუნდში კარები დააჭრიალა და ნახევარი კუტი ძვლებთან ერთად მურყას წინ დაუყარა.

ხარბად ეძგერა მურყა. ჯერ კუტი გადასანსლა, მერე ძვლებს აუტეხა ლაწა-ლუწი. გაძღა მურყა. ახლა მთელ უბანს საყარაულოდ დაურბინა. ჯერ შაქროს სახლს შემოურბინა, შემდეგ პაპანთ ბოსლის უკან გატუნცულდა და აქ ისეთი ყეფა ატეხა, რომ გვეგონებოდათ მოსისხლე მტერს შეეყარაო. მაგრამ ეს გააფთრებული ყეფა დიდხანს არ გაგრძე-ლებულა.

ტოტა ხნის შემდეგ მურყა სრულიად დამშვიდებული ისევ შაქროს აივანზე





ამობრძანდა და თავის ქილოზე რგვლად რომ მოიკუნტა, დილამდის ხმა აღარ ამოუღია.

— ერთი შეხე, იმ ვერანას რა უქნია და! — ასე ლაპარაკობდნენ მეორე დღეს ბავშვები.

— ალბათ, ბიჭო, იმდღევანდელი ქურდი ეგონა და ასე გამწარებით იმიტომ მივარდნია.

— ფარაჯის კალთას შეხედეთ, რანაირად დაუფლეთია!

— არა, თავი როგორღა მოგდებოდა, თორემ სხვას ვინ კითხულობს!

— როგორა, ბიჭო, და ფარაჯის რაში წამოუთრევი, საყელო თავს მოიქცეობდა და თოვლის კაცი იყო, რკინისა ხომ არა!

— კაცო, იცი, რა ოხერი ძაღლია! დღეს შაქროს, თურმე, ზედაც არ უცქერის, თითქოს რცხენიანო. ხარხარებდნენ გოგობიჭვები და მურციას ჯიბრზე უფრო დიდცხვირა თოვლის პაპას აკეთებდნენ.

ცქობი

## ქ რ ე ბ ა ზ ე



თაზე ნისლი წამოაწვა, ალბათ მალე თოვლიც მოვა... ეხ! რა მალე აცივდა და ეხ, რა მალე ჩამოთოვა!

დაგვიზამთრდა, წვიმა მოდის და ტირილი ისმის ქარის, პიონერი კი კრებაზე მოსხენებით მიიჩქარის.

დაგვიზამთრდა, ძველი ბინა მოუნახავთ ტიალ ბუზებს, ყველა ბუხარს მისხდომია მხიარულს და მოგუზგუზებს.

იქ, კრებაზე, ხმაურია, მათ არ ართობთ დარი ცივი, მაგრამ იქაც მობუზულან შეშინებულ ჩიტებივით.

მხოლოდ ერთი ადის სკამზე ისე სწრაფად, ისე სხარტად, ხელებს აქნევს, ენამჭრელობს ჩვენი ყოფის დასახატად.

ამბობს, წინათ თუ რა ცრემლი იღვრებოდა მშრომელთ ბედზე, დღეს კი მხსნელი დროშა ელავს მთელ მსოფლიოს მეექვსედზე...

ვალთა კუპრაძე

## აკაკი წერეთელი

წელს თებერვალში ჩატარდა აკაკი წერეთლის გადარცვალების ოცი წლის თავის აღსანიშნავი დღეები. ამ დღეებმა დიდი გამოხმაურება გამოიწვია მშრომელთა ში.

საქართველოს სხვადასხვა კუთხეებში აკაკის ხსოვნის საპატივისცემლოდ მოეწყო საღამოები. კერძოდ ტფილისში რამდენიმე საღამო ჩატარდა. საღამოზე

იკითხებოდა მოხსენებები პოეტის ცხოვრებისა და მოღვაწეობის შესახებ. ზოგი კიდევ პირადი მოგონებით გამოდიოდა და ნათელი სურათებით უხატავდა საზოგადოებას აკაკის ცხოვრებასა და მოღვაწეობას. მოხსენებების და სიტყვების შემდეგ მომღერლები და მუსიკოსები აკაკის სხვადასხვა ლექსებიდან ასრულებდნენ სიმღერებს. საღამოს დიდძალი ხალხი ესწრებოდა. ამ დასწრებით ეს ხალხი გამოხატავდა აკაკისადმი ღრმა პატივცემასა და სიყვარულს. მართლაც, აკაკი წერეთელი დიდად საპატივისმცემლო და საყვარელი პოეტია. სიცოცხლეში იგი მშრომელ ხალხს უყვარდა და სიკვდილის შემდეგაც მშრომელი ხალხის საყვარელ პოეტად დარჩა. არიან მწერლები, რომლებსაც არა თუ სიკვდილის შემდეგ, სიცოცხლეშიაც მალე ივიწყებენ; აკაკი წერეთელი კი დაუფიწყარია. რატომ ასეთი ბედნიერება ხვდა წილად აკაკის?! ამისი მიზეზი თვით პოეტის დიდ შემოქმედებაშია. აკაკი თავის ნაწერებში ეხებოდა ყოველდღიურ საპირბოროტო საკითხებს, რომლებიც ხალხს აღელვებდა, აწუხებდა ან სიამოვნებას ჰგვრიდა. პოეტი თავადაზნაურთა წრიდან იყო გამოსული და მწერლობაში უმთავრესად ამ წრის ინტერესებს გამოხატავდა, მაგრამ ვხვდავხა მშრომელთა მტკივნეულ ადგილებსაც ეხებოდა. აკაკის მშრომელთა ცხოვრებიდან ბევრი საინტერესო ლექსი აქვს დაწერილი და ბევრჯერ მშრომელთა მწუხარებაც გაუხაწილებია. წერდა სადა, უბრალოდ, მაგრამ დიდად მხატვრული ენით, ყველასათვის გასაგები ენით.

„ყანო, მუშის სამოთხე,  
გლეხის დიდებავ, ყანაო!  
ცისკრის სწივებმა შეგმოსეს  
და ნამმა გადაგბანაო;  
დილის ნიაემ დაგჭროლა,  
აღერსით ვითხრა ნანაო;  
ეუქუნა წვიმამ ზედ დაგკრა,  
ზურმუხტად აგამწვანაო.“

ეს ენა აკაკის პოეზიის ენაა და იგი ყველას ესმოდა და ყველას ატკობდა. აკაკი მრავალფეროვანი მწერალი იყო. იგი წერდა

ლირიკულ ლექსებს, ისტორიულ პოემებს, დრამებსა და მოთხრობებს; მაგრამ ეს საკითხი აღემატება საბავშვო მწერლობის ფარგლებს. კერძოდ ჩვენთვის ამ შემთხვევაში საინტერესოა აღვნიშნოთ აკაკი როგორც ბავშვების მწერალი. ამ მხრივ მას საკმაოდ ბევრი აქვს დაწერილი. როგორც ცნობილია, აკაკის ბავშვები უყვარდა. პოეტი ხშირად ბავშვებში იღებდა სურათს. მაგრამ აკაკიმ თავისი სიყვარული ბავშვებისადმი თავისი შემოქმედებით დაამტკიცა. მოხარდ თაობას პოეტმა ბევრი კარგი ლამაზი ლექსი მიუძღვნა. იყო საბავშვო მწერლობის დიდი მოამაგე და საბავშვო ჟურნალებში ნაყოფიერად თანამშრომლობდა. „ნობათი“, შემდეგ „ჯეჯილი“ და „ნაკადული“ აკაკის საყვარელი ჟურნალები იყო. ამ ჟურნალებში დაბეჭდილი აკაკის ლექსები ბავშვებმა მიიღეს, შეითვისეს, შეიყვარეს, და აკაკიც ბავშვების საყვარელი პოეტი გახდა. აკაკის საბავშვო ლექსების დიდი ნაწილი მშრომელ გლეხთა შვილებს ეხება, იძლევა გლეხი ბავშვების მწუხარებასა და სიხარულს. აი, მაგალითად, როგორ ალაპარაკებს პოეტი ობოლს:


„დედის ტკბილი რძის კირიმე!  
ძუძუებს ვენაცვალები!!  
ვინც მათი გემო არ იცის,  
ახვეული აქვს თვალები“.

ან კიდევ:

„დედის რძე თაფლი ყოფილა  
და დედინაცვლის — ნაღველა:  
დავლიე — ყელზე დამადგა,  
ძირმწარედ წამომახველა!“

თავის დროზე თითქმის ყველამ იცოდა და დღესაც ბევრმა იცის აკაკის ლექსი „ყმაწვილი და პეპელა“. ეს ნაწარმოები თავისი სისადავით, სიმსუბუქით და ღირსებით ერთერთ საუკეთესო ლექსს წარმოადგენს მცირეწლოვან ბავშვთა პოეზიაში. არა ნაკლები ღირსებისაა მეორე ლექსი „ჩემი თხა“. ამ ნაწარმოებში მოცემულია მეწველ თხასთან ღარიბი გლეხის ოჯახის დამოკიდებულება.

„ჩემო ლამაზო ბეკეკა,  
შენ ჩემო თხაო ზებლაო,  
ჩემი მტერი და ორგული  
შენ გენაცვალოს ყველაო“  
ლარიბ გლენხს უყვარს მეწველი თხა  
და მიმართავს:



„თვალის ჩინივით მოგივლი,  
ნუ გეშინია მტერისო!  
მაგ ძუძუების ჭირიმე:  
საწველში ჩაიმღერისო!“  
აკაკის ძველ სკოლაში უხდებოდა აღზ-  
რდა. ამ სკოლაში მომავალ პოეტს ბევრი  
უსიამოვნება შეხვედრია როგორც ჩი-

ნოვნიკ მასწავლებლებისაგან, ისე სკოლის  
მიერ ზნეობრივად დაცემულ მოწათფებისა-  
გან. ძველ სკოლაში სწავლა ვერ იღვა კარგ  
ნიადაგზე. ყველაფერი ეს და ბევრი-საგან  
საინტერესო ცნობები აკაკის მშვენიერი  
მხატვრული ენით აქვს აღწერილი თავის  
სათავადსაველო მოთხრობაში, რომელ-  
საც „ჩემი თავადსაველი“ ეწოდება. ეს  
ნაწარმოები დიდი ინტერესით იკითხებო-  
და და ახლაც დიდი ინტერესით იკითხება.  
აკაკიმ 76 წელიწადს იცოცხლა. თავისი  
საკმაოდ ხანგრძლივი სიცოცხლის მან-  
ძილზე პოეტმა ცხოვრებიდან დიდი გამო-  
ცდილება მიიღო. ეს გამოცდილება მწე-  
რალს ხშირად მოცემული აქვს თავის ნა-  
წერებში. მოხუცებაში ყოფნის დროს ქა-  
ლარა პოეტს უყვარდა ბავშვებისათვის  
დარიგების მიცემა. ამ დარიგებებიდან  
დღეს ბევრი მოძველებულია და მიუღე-  
ბელი. მაგრამ, მიუხედავად ამისა, მათში  
დიდი პოეტის ქკუა და აზრია მოცემული  
და ამდენად ანგარიშის გასაწევია. აკაკიმ  
ძალიან ბევრი ნაწარმოები დატოვა, რო-  
გორც საერთოდ ქართულ ლიტერატუ-  
რაში, ისე, კერძოდ, ქართულ საბავშვო  
მწერლობაშიც. აკაკის ნაწერებიდან ბევ-  
რის სწავლა შეიძლება. ამისათვის საჭიროა  
ფხიზელი თვალი და ფხიზელი გონება.

ტატიანა

# ჩემი თხა



ჩემო ლამაზო ბეკეკა,  
შენ ჩემო თხაო, ბელაო!  
ჩემი მტერი და ორგული  
შენ გენაცვალოს ყველაო.

მთაში რომ წაყოკინდები,  
დაადგებ მინდორ-ველსაო;  
ჯიხვებს ეწვევი კლდეებში,  
იქ მოიღერებ ყელსაო.

წვერი გაქვს დეკანოზისა  
და რქები ეშმაკისაო;  
კბილები, ნამგლად ნალესი,  
ნეკერს კერესს, ბალახს შკისაო.

გაძლები, გასისინდები  
ჯიქანს გაივსებ რძითაო!  
რა გზითაც დილას წასულხარ,  
ბრუნდები იმავე გზითაო.

მოხვალ და საწველს ამიღებ,  
 არ დამამადლი წველასო!  
 მეძღუნეო ჩემი შვილების,  
 შენ მირჩენიხარ ყველასო!

თვალის ჩინივით მოგივილი,  
 ნუ გეშინია მტერისო!

მაგ ძუძუების კირიმე,  
 საწველში ჩაიმღერისო!

ბეკეკავ! ჩემო ბეკეკა!  
 შენ ჩემო კარგო ბელაო!  
 ჩემი ოჯახის ურგები  
 შენ გენაცვალოს ყველაო!

აკაკი



## აქაკის ნაკვსები

აკაკი წერეთელი ნაკვსების, ანუ მოსწრებული სიტყვების საუკეთესო მთქმელი იყო. თავისი ნაკვსებით პოეტი დასცილდა მისი დროის ადამიანების უარყო-



აკაკის ბავშვობის სურათი

ბიჯზე შეხედება კაცი, არამედ პოეტის ნაკვსები ძალიან ჰკვიანად მოფიქრებული და ცხოველი აზრების მატარებელი იყო. ეს ნაკვსები ხალხში ფართოდ ვრცელდებოდა. ბევრმა წერა-კითხვის უცოდინარმა ზებირად იცოდა აკაკის ესათუის ნაკვსი. ამ ნაკვსებს თავისი დანიშნულება ჰქონდა: ისინი ბევრ უწესო ადამიანს წესიერ მოქმედებას აჩვენებდა. ბევრჯერ ჰკვიანური დაცინვა კარგ დარიგებაზე მეტად ჰქრის. ქვემოლ სანიმუშოდ მოგვეყავს აკაკის რამდენიმე ნაკვსი.

1

ერთმა პედაგოგმა, რომელიც პოეტობასაც ჩემობდა, ახლო სოფელში მიმავალ აკაკის ერთი კვიპტიანი ცხენი ათხოვა და თანაც ლექსების რვეულიც გაატანა: „თუ მოგეწყინოს, ამდამ ეს გადაიკითხეო“.

მეორე ღღეს უკან დაბრუნებულ აკაკის ჰკითხა:

— ღამე როგორ გაატარეო?

— რა გითხრა, ძმაო? ღღე შენმა ცხენმა დამტანჯა და ღამე კიდევ შენმა ლექსებმაო, — მიუგო აკაკიმ.

2

ფით მხარეებს. ამ შემთხვევაში აკაკი დაუზოგავი და მოურიღებელი იყო. პოეტი თავისი მოსწრებული სიტყვებით გესლავდა ყველას, ვინც კი მის წინაშე ან საზოგადოებაში რაიმე უხეირობას ჩაიდენდა. აკაკის ნაკვსები უბრალო, ჩვეულებრივი დაცინვები კი არ ყოფილა, რომლებსაც, თითქმის, ყოველღღე ყოველ ნა-

ერთი საზოგადო მოღვაწე პროვინციაში გარდაიცვალა. დამკრძალავმა კომიტეტმა გადაწყვიტა მისი ტფილისში დასაფლავება. დანიშნულ დროს სადგურზე შეიკრიბნენ განსვენებულის მეგობრები და პატივისმცემლები. აკაკიც დაესწრო. როცა კუბო მატარებლიდან გადმოჰქონ-



# კუცას ძაღლი

მოდით, ნახეთ ჩემი მორა,  
ქული კობტად რომ ახურავს.  
— გამარჯობა, კაცო, შენი!  
ჰაჰ, ჰაჰ, ჰაჰ, ჰაჰ, როგორ ჰშვენის!

ახლა ხახეთ ეს ბაიათი,  
ეს ფუთა და ეს კალათი!

როგორ მიაქვს წხეივანში  
ავსებული კომშით, ვაშლით.

მთელი ხალხი უმზერს მურას,  
ქული კობტად რომ ახურავს!  
— გამარჯობა, კაცო, შენი!  
ჰაჰ, ჰაჰ, ჰაჰ, ჰაჰ, როგორ ჰშვენის!

მიმქრალი



# ყანჩების ოჯახი

## წითური ჭიანჭველები\*)

მელისა რომ თავიდან მოიცილეს,  
დედიკოსა და მამიკოს ახალი საზრუნავი  
გაუჩნდათ. წვიმიანი დღე იყო. დედიკო  
ყანჩა შეიღებებს ზევიდან გადაჰფარებოდა,  
ათბობდა და თანაც შხაბუნა წვიმის წვე-  
თებს აცილებდა. პატარა ყანჩებს ბუდის  
ნაპირზე კისრები გადმოედოთ, ჭიოდნ  
და ქვევიდან დედის თბილ მკერდს  
გკროდნ.

ამ დროს დედიკომ შენიშნა უცნაური  
მწერი. ბუდის საძირკვლის ტოტზე მო-  
ლოდავდა. მხარზე ვეება ჩხირი გაედო

და წელშიწყვეტით მოათრევდა. მწერი  
ტყის წითელი ბუდრუგუნა ჭიანჭველა  
იყო. დედიკო კარგად დააკვირდა და შე-  
ნიშნა, რომ იმ ჭიანჭველას უკან ჭიანჭვე-  
ლების უთვალავი ქარავანი მოსდევდა.

— ერიპა! — წამოიყვირა დედიკომ. —  
ესენი ვინღა ვაგვჩენია!

იმ წამსვე წამოხტა. ტოტზე ჩამოჯდა  
და დაუბატივებელ სტუმრებს მიაცვირა:  
— წადით! ახლოს არ მოხვიდეთო!

მოწინავე ჭიანჭველა შეჩერდა. შიშით  
ჩხირი გააგდო და ბუდეს თვალდევრება

\*) დასაწყისი იხილეთ ფურცალ „ოქტომბრული“, № 1-2



დაუწყო. დედოკომ ნისკარტი მოუღერა და აღმასივით თვალეზი დაუბრიალა.

ასეთმა შკაცრმა მუქარამ მოწინავე ჭიანჭველა ისე დააფრთხო, რომ მოტრიალდა და ტოტს თავქვე დაჰყვა, თავისი ქარავანიც გაიყოლია.

დედოკო მინც არ დაშვიდდა. ჭიანჭველებს თვალს ადევნებდა. ისინი ტოტიდან ხის ტანს დაჰყვნენ და ხისძირად ერთი პატარა ბეჭობისაკენ გაემართნენ. ამ დროს მამიკოც მოფრინდა. ახლა ორივენი ერთად ჩამოსხდენ ტოტზე, ერთად დახვეწენ არამკითხე მოყვრები. საინტერესო ამბავი აღმოჩნდა.

იმ ბულდოგუნა წითელ ჭიანჭველებს ხის ფესვის სიმშრალეში აეგოთ სასახლე. სასახლეს ყოველმხრიდან გვირაბებით შესასვლელი კარები ჰქონდა დატანებული, საიდანაც ჭიანჭველები თავისუფლად დაბრძანდებოდნენ შიგ.

თანაც გასაოცრად შრომობდნენ.

ერთი ჩხირებს მიათრევდა, მეორე — ჩალის ფურცელს, მესამე — ყვავილის ბუტკოს ნახ ფოთოლს, მეოთხე — სილას.

ერთი მოზრდილი ფრთიანი ჭიანჭველა კი სასახლის მაღალ კიბზე ამაყად შემდგარიყო და არემარეს ზეგრავდა.

ყანჩებმა შენიშნეს, რომ იმათი გამოწეხი კვერცხის ნაჭუჭები ჭიანჭველებს

ძვლები და ფხები ჯერ ერთად შეეკრიბათ, დაეწმინდათ, დაესუფთავებიათ და დაეფრთხებიათ, როგორც ბამბის ქსოვი და მამწვეტილი და დახვეწილი ფხები ნემსებათაც ივარგებდა.

ყანჩებმა არც-კი იცოდნენ, რად გასწიეს ჭიანჭველებმა ამოდნა შრომა და ამაგი. თუკი ამ შშვენნიერ საგნებს სასახლეში დალაგებდნენ, ყანჩებს კიდევ არ გაუკვირდებოდათ, მაგრამ ეს დაწმენილი და დასუფთავებული ძვლები ერთი ხმელი ფოთლის ქვეშ ეხვავა და ხმას არავინ სცემდა მათ.

ყანჩებმა კარგად შეისწავლეს ჭიანჭველები ცხოვრება, ყოველმხრივ აწონდაწონეს და საშიში არაფერი აღმოჩნდა.

ამიტომაც მუზობდნენ შეურიგდნენ. ძირს, ველზე, ყანჩებს არაფერი ჰქონდათ გასაყოფი და სადაო. სამაგიეროდ მალლა, ხეზე, ჭიანჭველებს არაფერი ესაქმებოდათ. ყანჩებს გულრი არ მოსდიოდათ იმაზე, რომ ჭიანჭველები მათი ნანადირვის მონარჩენით იკვებებოდნენ და სარგებლობდნენ.

დამეგობრდნენ. ყანჩები თავიანთი პატარა ყანჩაველებით ბულიდან დაჰყურებდნენ მათ. სტკებებიან შრომისმოყვარე ჭიანჭველების ცქერით. ხანდახან ჭიანჭველებს მოცვლილ ფრთას ან ბუმბულს



შეგვროვებიათ და ერთ ალაგას დაეყარათ. ნაჭუჭების გროვა ცისფერ გვირაბოვან გორაკს წააგავდა. ნაჭუჭების მეორე მხარეს ჭიანჭველებს თევზის ფხები და ქარიყლაპიას ხერხივით კბილებიანი ყბები დაეგროვებიათ. ამჟარად ეტყობოდა, რომ ჭიანჭველებს ამ საქმეზე დიდი შრომა და დავიდარაბა გაეწიათ.

გადაუგდებენ, ხან თევზის ნაჭერსაც. ჭიანჭველები ხელად მიეხვევიან მონაკითხს და გადამუშავენას მიჰყოფენ ხელს.

კიდევ დიდხანს გაგრძელდებოდა მათი მუშაობა და კარგი მუშაობა, რომ იმ არემარეში მათ სხვა, ცოტა არ იყოს უნამუსო სტუმრები არ სწევოდათ.

ბორის ჩხვიძე

# ჩვენსი ყურში



ღარ თოვს და უფრო ცივა,  
მთლად გაყინა არემარე,  
ბროლის კაბა შეუკერავს  
წუხელ ღამით ჩვენ მდინარეს.

ღილით სახლში შემოვუშვი  
და ძალიან უხარია,  
ჯერ ლეკვია, რა ქნას, მისთვის  
წელს პირველი ზამთარია.

და ფანჯრებიც ვიღაც სტუმარს  
მოუქარგავს ვერცხლის ძაფით,  
ჩანს, რომ ბევრი უშრომია,  
დაიღალა, ალბათ, ჯაფით.

ძლიერ ცივა, ჩვენი ყურში  
ღამით ღამის გაიყინა,  
და იმიტომ წკმუტუნებდა,  
ვერ გაათბო თვისი ბინა.

რომ კვლავ გარეთ არ გავაგლოთ, —  
აღარ ხტის და გახდა წყნარი,  
თუმცა ფისოს შურით უცქერს,  
რომ ის მულამ თბილად არი.

არ მშორდება, ხელს მილოკავს,  
თათი ფეხზე გადამადლო,  
რადგან მე ვარ მისთვის უფრო  
მეგობარი სხვებზე სანდო.

6. შევლიძე

# ღიდგულა ჯაქმანი

კარგ გუენებაზეა დღეს წლის ზურა. მას  
რალაც აზრი მოუვიდა, დაუძახა თავის  
ტოლებს, ტიტკოს, კესოს, ნუცას და  
სამი წლის ლელიკოს.

— ამხანაგებო! — დოინჯ შემოდგმულ-  
მა მიმართა ბავშვებს, — ჩვენ კარგი რამ  
უნდა ვითამაშოთ.

— რა ვითამაშოთ, რა? — შეეკითხენ  
ზურას ბავშვები.

— თქვენ თქვით რა ვითამაშოთ.

შენ ჩვენზე უფროსი ხარ...

— კარგი... — შეჩერდა ცოტახანს ზურა,  
მერე თვლები გაუბრწყინდა. იცით, ბავ-  
შვებო, ხომ ხედავთ ამ კიბეს — ეს იქნება  
ტრამვაი, მე — ვატმანი, ტიტკო კონდუქ-  
ტორი. აი მას ბილწეთები. თქვენ იყიდით  
ბილწეთებს მისგან, — ამ სიტყვით გადასცა

დაპრილი ქაღალდების ნაწილი ტიტკო-  
კოს, დანარჩენი ბავშვებს.

ზურა დადგა კიბის საფეხურზე.

— ამხანაგებო, ტრამვაი მიდის სად-  
გურისაკენ, მგზავრები დასხედით.

— კონდუქტორ! უბილეთოდ არავინ  
შეუშვა! — აძლევს განკარგულებას ზურა.  
ბავშვები გაფაციცებით ყიდულობენ ბი-  
ლწეთებს და კიბის საფეხურზე სხდებიან.

— მგზავრები ყველანი დასხდნენ? —  
ეკითხება ზურა ტიტკოს.

— ყველა, — უპასუხა, ტიტკომ, თან  
ზარი დარეკა (ბოთლს ლურსმანი შემო-  
ჰკრა).

— მაშ მივდივართ. ტიკ-ტაკ, ტიკ-ტაკ,  
ტიკ-ტაკ! — აძლევს ხმას ზურა. კონდუ-  
ქტორი ზარს რეკავს. ტრამვაი ჩერდება.

—ზემელთან ვართ, არავინ ჩამოდის?—  
კითხულობს ზურა.

— არავინ, — უპასუხა ტიტყომ. კონ-  
ლუქტორი ზარას რეკს — ტრამვაი მიდის:

— ტიკ-ტაკ, ტიკ-ტაკ, ტიკ-ტაკ.  
ზურამ ტიტყო მოიხმო.

— მოიყვანე აქ პატარა ლელიკო,  
კიბესთან დაწვინე მიწაზე, ვითომ ტრამ-  
ვაიმ გადაუარა და მოკლა; ყველას გე-  
წყინებათ, ადგებით და მიხვალთ მასთან;  
მერმე საავადმყოფოში წაიყვანთ.

ტიტყო ასეც მოიქცა. ბავშვმა წინა-  
ამღდეგობა არ გაუწია.

— აი როგორი ხარო! მოუბრუნდა  
ზურა მგზავრებს, — არ დამაცალა ამ ქალ-  
მა ტრამვაის გაჩერება. გადახტა და ტრამ-  
ვაიმ გაიტანა.

— უი, რა დაემართა? — დაიძახეს ბავ-  
შვებმა და მივიდნენ ლელიკოსთან. ლე-  
ლიკოც წამოდგა.

— ეს რა ქენი? გაუჯავრდა ზურა —  
დაწეკი, შენ ხომ ტრამვაიმ გაგიტანა!

პატარამ არ დაუჯერა და ტირილი  
დაიწყო. ეს მისმა დედამ გაიგონა და გარეთ  
გამოვიდა.


— რატომ ტირის? — იკითხა მან.

— აი ჩვენი ტრამვაი, უჩვენა ზურამ  
კიბეზე. მაგას ტრამვაიმ გადაუარა და  
მოკვდა, მერე კი წამოხტა.

ბავშვის დედას გაეცინა.

— შენ ყოჩალი ვატმანი ხარ, დროზე  
გააჩერე ტრამვაი და ქალი გადარჩა.

— მართლა, მართლა! — სიხარულით  
შენიშნა ზურამ. — მე დროზე გავაჩერე  
და ქალი გადარჩა.



ბავშვებს ძალიან გაეხარდათ, გამხი-  
არულდნენ.

— ამხანაგებო, შედით ტრამვაიში,  
სადგურზე არ დაგვაგვიანდეს.

ყველანი სწრაფად ავიდნენ. მხოლოდ  
ელიკო იღვა გაბუტული და ფეხს არ  
იკვლიდა.

— აღი ზემოთ, — ხმამაღლა უთხრა  
ზურამ. — ხომ ხედავ, ტრამვაიმ ჩამოიარა.  
თუ წელან გადარჩი, ახლა გაგიტანს.

ბავშვმა ახლა ტირილი დაიწყო. ამშვი-  
დებდნენ, მაგრამ ვერას გახდნენ.

— თქვენისთანა მგზავრებთან კაცი  
ვერას გახდება! დეე, სხვამ წაგიყვანოთ!  
ამ სიტყვით ზურა გულმოსული ავი-  
და კიბეზე. — ტრამვაი პარკში მიდის,  
ვატმანი კი შინ, — თქვა და თავისი ოთა-  
ხისკენ წავიდა.

ბავშვები სახტად დარჩნენ და გაკვირ-  
ებით შეჰყურებდნენ მიმავალ ზურას.

ნინო ტყეშელაშვილი

# გაგვიზაფხულა



ვიშ, როგორ იღვიძებს მიძინებულ ბუნება! როგორ უხარია სიცოცხლე ყოველ სულდემულს! ხედავთ თუ არა, რომ შომაკვდავმა ჭიადლებმაც იწყეს ფუსფუსი?! აბა, ერთი ამ ღელის პირებს გადაავლეთ თვალი, იაიას და ქორჩიოტას ყვავილებს რომ აუჭრელებია! ტყეებს, ამწვანებულ ტყეებს გახედეთ, რა ამაყად და მიმზიდველად გამოიყურებიან! აგერ, კინცხის ჩირგვანალში ფაფუკბეწვიანი, ნაპრისფერი ბაქია მოხტის. ყურები ზურგზე დაუწყვია და ისე თამამად გამოიყურება, თითქოს ამ ღამაში ბუნების პატრონი მარტო თვითონ იყოს. შედგა. რალაც მცენარის ნეკერს დაუწყო ტკვერა.

— თაა... თა... თაჰ! — მოესმა უცებ ვილატის ხმა, და გამოსროლილმა ქვამ ყურის ძირთან გაუბზულია. ეს პატარა გიგლა იყო, პატარა მწყემსი, წვერებცანცარა თიქნები რომ ვადმორეკა ამ დი-

ლაადრიან სამორად. ბაქია დაფრთხა მისი ხმის გაგონებაზე და ცანცალ-ცანცალით ტყეს მიაშურა. გიგლა სიამოვნებით დაედევნებოდა, მაგრამ კარგად იცოდა, რომ ცალიერი ხელით ვერ დაიჭერდა. ამიტომ ტყემდის თვალით მიაცილა, შემდეგ ქვაზე ჩამოჯდა, პატარა ლექსების წიგნი გადაშალა და კითხვა იწყო.

ჯერ ისევ დილაა. ჩვენს ბალში გადაფეთქილ ყვავილებს დილის ნამი მარგალიტის საყურებივით ჩამოჰკიდებია. მალე მზე აიწევს ლილისფერ ცაზე და ეს მარგალიტის საყურეები ორთქლად იქცევა.

„გუჰ — გუ! გუჰ — გუ! — ტყიდან გუგული იძახის. ის სულ სამი დღეა, რაც მოფრინდა, და თითქოს გლენებს მინდვრად თესლის გატანის დრო მოაგონა. სოფლის ვლენცაცობა წამოიშალა და სამუშაო იარაღებს მიაშურა. აგერ



სამი დღეა, რაც კოლექტიველმა ბიჭებმა მინდვრად ტრაქტორი ააგუგუნეს. გუგუნებს მანქანა და აშავეებს მინდვრის ჭრულ ხალიჩებს. გუგუნებენ კოლექტიველი ბიჭებიც და უხარიათ, რომ კარგი სამუშაო ამინდი დაიჭირა.

„ჭიკ—ჭიკ... ჭიკ—ჭიკ... ჭიკ—ჭიკ!“  
— კულმაკრატელა ფრთოსანი ხანგამოშვებით ჩაუქროლებს ხოლმე აივანს, ალბათ, ბუდის ასაშენებელ ადგილს ეძებს! პატარა ოთარიკო, ბოსტანში მომუშავე, თეთრთავსაფრიან დედას აღარ ასვენებს:

— დედავ, დედიკო, ხედავ რა ლამაზია?! ზურგი მაყვალს მიუგავს, გული ალუჩის ყვავილს, ყელზე კი ჩემსავით წითელი ლენტე აქვს შემოვლებული. ნეტავი ჩვენი სახლის ჭერზე გაიკეთებდეს ბუდეს!

მზემ აიწია. საცაა სადილობის ხანი მოატანს; ქალები წაუღებენ სადილს მინდვრად მომუშავე მამაკაცებს. ოთარიკოს დედაც წავა და თავის ბიჭუნასაც თან წაიყვანს. ოთარიკო სულ ექვსი წლისაა, მაგრამ ყველაფერი აინტერესებს.

ნიან, კისკისობენ და დროვამოშვებით საგაზაფხულო ლექსებს გაიშლირიან. სემივე ბეჯითი მოწაფეა, ერთმანეთს ურეზებენ ფრიალების მიღებაში. ლეონტი კი ბიჭია. მხოლოდ სულ დახტის, არ ისვენებს. აი, ახლაც რაღაცა წითელწინწკლებიანი მწერი შენიშნა გზისპირას მღვარ ტყემლის ყვავილზე. გაიქცა, აიყვანა, მარცხენა ხელისგულზე დაისვა და ამხანავეებს დაუძახა:

— გინდათ გაიგოთ ხვალ როგორი ამინდი იქნება?  
თამრო და ქეთინო გაოცდნენ:  
— მერე, შენ რა იცი?!  
— აი, თუ რა ვიცი, მოდით, ფრინა-ფრინა მარია დავიჭიროე, თუ გაფრინდა, კარგი ამინდი იქნება, თუ არა და ვაავდარდება. გაშალა ხელი და დაიწყო:  
„ფრინა-ფრინა მარია, ხვალ თუ კარგი დარია!.. ფრინა-ფრინა მარია, ხვალ თუ კარგი დარია!“  
იმდენი უძახა, სანამ მწერი მართლა არ გაფრინდა. შემდეგ სიხარულით წამოიძახა: „კარგი ამინდი იქნება!“



ხან ერთ ბალახს ან ყვავილს მოგლეჯს, ხან მეორეს, დედასთან მიარბენიებს და ეუბნება: „ეს რა ბალახია, დედილო?“ ამ ყვავილს რაღა ჰქვია?“ დედა უხსნის, და ოთარიკოს უკვირს, როგორ დაისწავლა დედამ ამდენი სახელი: ჩიტითავა, შავბალახა, ღელელურტა და ათასი სხვა. შუაღამე მოატანა. თამრო, ლეო და ქეთინო სკოლიდან ბრუნდებიან. იცი-

— ჰო, ჰო, ჰო, ბიჭს დაგვიხედეთ! სულელო, კიდევ ბებიაშენს უჯერებ ზღაპრებს?! ფრინა-ფრინა მარიამ რა იცის ამინდის! — მიაძახა ქეთინომ, და გზა გაწაგრძელა.  
ასე გადის დღეები. გაზაფხულია სოფლად. ყველას უხარია, ყველა შრომობს. შრომაც ხომ სასიხარულოა, ჩემო პატარა მეგობრებო. ქიანქველებიც შრომობ-



ბენ, ფუსფუსებენ, საზრდოს იმზადებენ. ფუტკრებიც, ბზუილით რომ ყურებს გვიყრუებენ და ყვავილებიდან ტკბილ ნექტარს წუწნიან, ძლიერ მოყვარულნი არიან შრომის. მათ ეხარებათ ზარმაცი ამხანაგი და თუ ასეთი შენიშნეს, სკაში აღარ შეუშვებენ. წაესვეიან და მოკლავენ. ადამიანებს კი შრომა მწვერებზე მეტად უყვართ და აი, გახედეთ ახლა, ამ გაზაფ-

ხულის პირზე რა ამბავია სოფელში! კოლექტიველმა ბიჭებმა გადააშავეს ყამირი ზარმაცი და უსაქმური ამხანაგები შათაც ძულთ და ახლოს არ გაიქაჟანებენ. სალამოობით ოქროს მზე სწრაფად ხუჭავს თვალებს, თითქოს იმიტომ, რომ დილით ისევ აღრიანად გაიღვიძოს და გაახაროს ქვეყანა. გაზაფხულია, კეკლუცი გაზაფხული! ო, რა კარგია ეს დრო!

გიორგი კალანაძე

## უცხო სტუმრები

პატარა და ქერა გოგონა თინა დედამ ოჯახის მცველად დატოვა. გოგონამ სიხარულით მიიღო დედის დავალება. როცა დედა ალვის ხეების ჩრდილს მიეფარა, თინა ბედელში შევარდა, დაუყოვნებლივ გამოიტანა ხორბალი და შუა ეზოში გაჩერდა.

მოკრიალებული ცა ლილისფრად ლივილებდა.

თინიკომ მკვირცხლად შეათვალიერა სივრცე. მალე ისევ ეზოს გადახედა და გარშემო ხორბალი მიმოაბნია. თითქოს ამას ელოდნენ პატარა ღრუტუნები, დაიწყეს ჭყვიტინი, მოედვენ ხორბალს, მაგრამ სისწრაფეში ქათმებმა და ინდაურებმა გადაქარბეს.

ღრუტუნნი და კრიახი, კაკანი და ღველავი ერთმანეთში აირია.

თინიკო საზრდოს აწვდოდა მსუნავებს. კარგად მოვლილი სუროსფერი ღრუტუნები ერთმანეთს ეჯახებოდნენ... თინა კი კისკისებდა, ხელებს აქნევდა, ხტოდა, მაგრამ იგი უეცრად დადინჯდა, ჭიშკრისაკენ მიიხედა და დაიმორცხვა.

ეზოში ოთხი მამაკაცი შემოვიდა. ყველა უცნობი იყო. ერთს გრძელი თოკი ეჭირა, მეორეს რაღაც უცნაური იარაღი გაედო მხარზე, მესამესა და მეოთხეს სა-

წერი ქალღლები და ფანქრები მოემარჯვათ.

— მოდი, ბიძია, აქ, — დაუქნია ხელი ერთმა თინას. გოგონა სწრაფად შეეგება უცნობებს.

— ბიძიკო, თქვენ ღორები გყავთ? თინას გაუკვირდა ასეთი შეკითხვა, მაგრამ არ დაიბნა და სწრაფად უპასუხა:

— კი, კი გყავს, ძია. უცნობებმა ალერსით ააგლეს თვალი ეზოში მოკუნტრულ ღრუტუნებს.

— მამა ან დედაშენი არ არის შინ? — იკითხა კვლავ მეორემ.


— არ გახლავთ, ძია...  
— ეს! — ხელი ჩაიქნის უცნობებმა. თინა გათამამდა.

— რა გნებაქვდათ? ერთმა ქული მოიხადა, ოფლი მოიწმინდა და თითქო თავისთვის დაიწყო:

— ჩვენ შორიდან ვართ, პატარავ... შენ ჯერ გაგიჩირდება ჩვენი მუშაობის გაგება, მაგრამ მაინც გეტყვით. ჩვენ ტფილისიდან ვართ... დასავლეთ საქართველოს ღორების ჯიშები გვინდა შევისწავლოთ, განსაკუთრებით კარგი ჯიშები...

თინა ჩაფიქრდა, მაგრამ სწრაფად გამოერკვა.





ვეებერთელა ანკეტა შეუვსეს.  
დამშვიდებული ღრუტუნა ყურს უგ-  
დებდა უცხოება საუბარს, ხოლო დამ-  
ფრთხალი ღრუტუნები ღობესთან მიმა-  
ლულიყვნენ და იქიდან იჭყიტებოდნენ.

— რამდენი წლისაა თქვენი ღორი? —  
პკითხა ბოლოს უცნობმა თინას.

— ოთხი წლის ვახლავს, ძია...  
უცნობმა ჩაიწერა.

რამდენჯერ ჰყავდა წელს გოჭები?  
— ორჯერ, ძია.

— ეს ღორი დამახსიათებელი ჯიშისაა,  
ამიტომ ჩვენ მას სურათიც უნდა ვა-  
დავულოთ, — დაიწყო, — უთხრა ერთმა მეო-  
რეს. უკანასკნელმა სწრაფად მომართა  
აპარატი.

— ჩემო პატარავ, თქვენი ღორი ბევრი  
ნიშნით ტყიურ ღორს ჩამოჰგავს. როცა  
გაიზრდები და მოიგონებ ამ შემთხვევას,  
შენ ნახავ მაგის სურათს განსაკუთრებულ  
წიგნში. ვაიგებ, თუ რა დიდი მნიშვნე-  
ლობა აქვს ჩვენს მოგზაურობას, და პი-  
რადად შენს დახმარებას, რომელიც ჩვენ  
აღმოგვიჩინე. ახლა ის გვითხარი, რამ-  
დენი გოჭი ჰყავდა თქვენს ღორს უკა-  
ნასკნელიად.

— ცხრა გოჭის დედა ვახლავს.

— არ შეგიძლია გოჭებს დაუხმო დე-  
დასთან?

თინა დატრიალდა. ღრუტუნები საქ-  
მელით მოიტყუა. ისინი ჯერ ფრთხილობ-  
დნენ, მაგრამ მალე გათამამდნენ. დედალო-  
რის ირგვლივ დაიწყეს ფუსფუსი. ფოტო-  
გრაფმა აპარატი მომართა, და თინა ჯერ  
კიდევ ღრუტუნებთან იყო, რომ მათ  
სურათი უკვე „ნეგატივზე“ აისახა.

— შენ ჰკვიანი ვოვონა ხარ, ჩემო პა-  
ტარავ, — დაიწყო ბოლოს თინას სიტყვე-  
ბითა და მკვირცხლი პასუხით მოხიბ-  
ლულმა უცნობმა. — აბა მითხარი, თქვე-  
ნებმა რისთვის არ გამოაკლეს არცერთი  
გოჭი?

თინამ ღიმილით ახედა საყვარელ სტუმ-  
რებს და სწრაფად მიუგო:

— არა, ძია... ღრუტუნას გოჭებს დე-  
დაჩემი კოლექტივს შეჰპირდა... ჯიშეირი  
ღორები უნდათ მოაშენონო...

— შენ რა იცი ეს?

— დედამ მითხრა. დედაჩემი ბრიგადი-  
რია, მან ყველაფერი იცის! — სიხარულით  
წამოიძახა პატარამ და ღრუტუნები ეზო-  
საკენ გარეკა.

სტუმრებმა კარგი დახმარებისათვის და  
გარკვეული პასუხისათვის თინიკო დაასა-  
ჩუქრეს და ნასიამოვნები წავიდნენ.

ია ჩხაიძე

# გორგონტინა გოგონა



1. რა ამბავია?  
რა ბლავილია?  
აღბათ ძროხების ურამ ნახირია!

2. მაგრამ მართლა ბოხა  
არ გეგონათ ძროხა!  
გორგონტინა გოგონა  
თურმე ტირის როგორა!  
გულს იხეთქავს,  
ღრიალებს:  
ცრემლის დეარში  
ტრიალებს.

მთელ დღეს ასე ატარებს  
ტირილსა და ბნედაში.  
ჭრელი კაბა გასვარა  
ნოლა ცხვირის წმენდაში—  
— ი-ი-იიი!

3. გორგონტინა გოგონა  
გამოვიდა ვარეთ  
და აქ კოდევ უფრო  
შემოსძახა შწარეთ:  
— არ მინდა კარში!  
არ მომწონს ბალში!  
შემიყვა სახლში  
ბაბუ  
— უ-უ-უუუ!

4. დაუყვავეს გოგონას  
შეიყვანეს სახლში.  
მაგრამ ჩქარა შესცურა,  
ისევ ცრემლის ტბაში;  
— აქ არ მომწონს, არა!  
ბებო, ხელში ამიყვანე!  
ჩქარე  
— ა-ა-ააა!

5. გორგონტინას რძე მისცეს,  
იმან მორთო ღრიალი:  
— არ მინდა, არ დავლევ!  
ეს ფინჯანი დიდია!  
ყური ცუდათ ჰკიდია!  
მომეციტ სხვა  
— ა-ა-ააა!

6. მისცეს ჰქია გოგონას.  
მაგრამ ფეხის ბრაკუნით

ჰქიას გახედა ულაწუნ  
და მიწაზე მოგორავს;  
— არ მინდა სხვა!  
მომეციტ ჩაი  
— ი-ი-იიი!

7. დაწვენეს გორგონტინა:  
ის კი ისევ ახროტინდა:  
ისევ გაისმის  
ტირილი და ვიში:  
— არ მინდა ლოგინში  
— ი-ი-იიი!

8. ყველამ დასტოვა ბინა  
და აქ მოირბინა.  
კითხულობენ,  
მკვირობენ:  
— ეინ სტირის?  
ვინ ბლავის  
დილას და სადამოს?  
რას ხედავს საამოს?

9. ასეთი ამბავი  
ვისა სმენია?  
ცოტა არ იყოს  
მოსაწყენია!

10. ხედავენ, დგას გოგონა  
სასაცილო როგორა!  
ნოლა ცხვირი კოდენა  
წითელ ჭარხლის ოდენა  
მისი ჭრელი კაბანაც  
სულ ცრემლებში დამბალა!  
— ვაიმე  
— ე-ე-ეეე!  
— დედი  
ი-ი-იიი!

11. გორგონტინა გოგონა  
შეხეთ, ტირის როგორა!  
— შე ბლავანა ბოხა  
ზომ არა ხარ ძროხა?  
კმარა ლულის კიდება,  
ოჰი მოგეკიდება!

გადმოკეთებული რუსულიდან  
ლევ. მეტრეველის-მიერ



# ბავშვთა შემოქმედება



## მიტოს სიზმარი

სძინავს მიტოს, სიზმრად ხედავს:  
ყურშა ძალლი მორბის,  
თან მოათრევს მიტოსათვის  
ბევრ ტკბილეულს ტომრით.

ზის ეზოში მიტო ხის ქვეშ,  
ყარაულობს ტკბილებს,  
უხარია: გამოძლება,  
გაიღესავს კბილებს.

მირბის ყურშა, კვლავ დაბრუნდა,  
მოაქვს ჩურჩხელები,  
მანდარინი, კომში, ვაშლი,  
ატმები და მსხლეები.

მიტო ფიქრობს: „ვისგან მოაქვს,  
ხილს ვინ აძლევს ამდენს?  
იქნებ ჩემი ბებო გზავნის  
კომშებს, მსხლებს და ატმებს?“

ყურშა ისევ დაბრუნდება,  
მოაქვს ტომრით თხილი...  
ხის ქვეშ მიტოს დაუგროვდა  
ხილის დიდი ზვინი...

ასე ბევრჯერ განმეორდა,  
მირბის-მორბის ყურშა  
და იმდენი მოიტანა,  
რომ ვერ ზიდავს მუშა.

მიტოც იწყებს მუშაობას:  
სახლში შეაქვს ხილი,  
თანაც ჭამს და თანაც ფიქრობს:  
„კარგია და ტკბილი!“

ყურშას მოაქვს, მიტო ზიდავს,  
სულ სავსე აქვს პირი...  
გაიტენა მიტოს სახლი  
ვაშლით, მსხლით და თხილით.

და როდესაც გაიღვიძა,  
ხილი ვედარ ნახა,  
თან კი ფიქრობს: „საჩუქრები  
დედამ შეინახა?“

შეეკითხა დედას: „დედა,  
სად წაიღე ხილი,  
ატამი და ტკბილეული  
ან უზომო თხილი?“

დედა გრძნობს, რომ სიზმრად ნახა,  
ეუბნება: „მიტო,  
გენაცვალე, ჩემო ბიჭო,  
ის სიზმარი იყო!“

მიტო მაინც იმეორებს:  
„რა უყავი მსხალი?“  
და პატარას ცრემლებითა  
ამოეცსო თვალი.

Y ჯგ. მოწაღე ლეილა თაბუკაშვილი





რომონი მოდის ნელა და დინჯად,  
 მისი სიწყნარე აკვირებს მნახველს,  
 სძლიეს გმირებმა, რკინით, ბეტონით  
 და შეუცვალეს მთლიანად სახე.  
 მდინარე ეტყვის შავზღვას მუდარით:  
 საით იქნება აწ ჩემი ბოლო.  
 ზღვა უპასუხებს: ნაბადისაკენ,<sup>1)</sup>  
 შენ იქ ეძიე სავალი მხოლოდ.  
 გადავისვრიან სულ მალე სხვა გზით  
 და ეს ამბავი ჩემო რად გიკვირს;  
 როგორც ისროლეს ბოლშევიკებმა—  
 მენშევიკები შავი ზღვის იქით.

ზონ, მელიქია.

ფოთის მე-7 კლასის მოწაფე

1) ნაბადა — სოფელია შავიზღვის პირად, ფოთთან.

არ დამპირდება კალოზე  
 კვერზე დადგომა, ტრიალი,  
 ნიშა ნიკორას ძახილი,  
 წამდაწამ შოლტის ტრიალი,  
 აღარ გავთიბავ ერთ დღისას  
 მე რამდენიმე დღეშია,  
 არ დამპირდება ნამგალი,  
 რომ მოვიღუნო წელშია;  
 მოვიდა სოფლად ტრაქტორი,  
 გადააშავა ველიო,  
 ბიჭებო, მარჯვედ იყავით,  
 მივცეთ ერთმანეთს ხელიო!

მოწაფე ოთარ კანდელაკი.

## რედაქციის შენიშვნები პასუხის ავტორების საპირაღმებოდ

ჩვენი ჟურნალი ბავშვთა შემოქმედებას  
 დიდ ყურადღებას აქცევს. იბეჭდება პა-  
 ტარა ავტორები. ვისაც რედაქციაში  
 მოსვლის საშუალება არა აქვს, რედაქცია  
 პასუხობს წერილობით.

ამიერიდან კი მათ ეთმობათ ცალკე  
 გვერდი ჩვენს ჟურნალში. რედაქციას მო-  
 დის აუარებელი მასალები (ლექსები, მო-  
 თხრობები, რებუსები და მრავალი გა-  
 სართობები) ბავშვებიდან.


ამ მასალებიდან ჩვენ ვარჩევთ საუ-  
 კეთესოებს და ვბეჭდავთ რიგრიგობით  
 ჩვენი ჟურნალის ფურცლებზე.

პატარა შემოქმედებმა უნდა იცოდენ  
 ყოველთვის, რომ ჩვენთვის მასალა საინ-  
 ტერესოა იმ სახით, როგორც ის დაუწყე-  
 რია ავტორს და არა რედაქციის მიერ

შესწორებული. ამ მოსაზრებით მასალა  
 კარგად უნდა იქნეს დაწერილი—დამუშა-  
 ვებული, წინააღმდეგ შემთხვევაში თუკი  
 რედაქციამ გადააკეთა მასალა მთლი-  
 ანად, მას ღირებულება და მნიშვნელობა  
 ეკარგება. ასეთი მასალის დაბეჭდვაც უა-  
 ზრობა იქნება და სრულიად უსაფუძლოდ  
 რედაქცია დამისახურებს პატარა ავტო-  
 რების გულისწყრომას.

ჩვენი ჟურნალის ფურცლებზე უკვე  
 გამოვამცლავნეთ მთელი რიგი პატარა  
 ავტორებისა, ეს რა თქმა უნდა, მათ არ  
 აძლევთ უფლებას, რომ ექნეთ დიდი  
 წარმოდგენა თავის თავზე, არამედ ავა-  
 ლებთ მათ უფრო ნაყოფიერად და პა-  
 სუხისმგებლობით იმუშაონ მომავალი  
 დიდი ავტორობისათვის.

# ბასარობები



## მცურავი გელი და კურდღელი

ერთ ტაშტში ბლომად ესხა წყალი და შიგ ცურაობდა თეთრი გელი.

ტაშტის მახლობლად იჯდა თეთრი კურდღელი და ნაღვლიანად მისჩერებოდა ამაყ გელს, თითქოს უნდოდა ეთქვა: ეჰ, ნეტავი შენ, რომ ასეთი ცურვა იცი, მე კი ეს არ შეხერხებაო.

რა იცოდა საბრალო კურდღელმა, რომ ის და გელი ძმები იყვნენ: ისინი ერთი ქრელი დედლის ორი კვერცხისაგან გააკეთეს.

როგორ?  
ბავშვები დიდ ფაციფუსში იყვნენ.  
— დედა, ორი კვერცხი მოგვეცი რა იქნება, პა?!

— რად გინდათ, ბიჭო კვერცხები?  
— გვინდა, დედა, გვინდა! ისეთ საინტერესო რამეებს გავაკეთებთ, რომ გავიკვირდება, — ამბობდა პატარა სოსო.  
— თაფლის სანთელი ხომ გაქვთ? — იკითხა მზიამ.

— გვაქვს, გვაქვს! — წამოიძახა რეზიკომ.

— აჰა, ბავშვებო, ორი კვერცხი. ვნახოთ, რას გავაკეთებთ, — თქვა დედამ და მაგიდაზე დადო კვერცხები.

— ცილა, ერთი ქინძისთავი მომეცი, — სთხოვა სოსომ, აიღო ერთი უმი კვერცხი და თავსა და ბოლოში ქინძისთავით გახვრიტა.

— ახლა ჩაბერე, ბიჭო, ჩაბერე! — ვერ ისვენებდა რეზიკო.


სოსომ მართლაც ჩაბერა და კვერცხიდან სულ გამოაქცია, რაც შიგ იყო.

— ახლა სანთლით ამოვგლისოთ ორივე ნახვრეტი, — ამბობს ცილა.

— კისერი, თავი და ფეხებიც სანთლისგან გავაკეთოთ...

აი, გელი უკვე მზად არის.  
ჩაუშვეს წყალში, მაგრამ კარგად არ ზის... რაღაც აკლია...

— რა უნდა კიდევ?



დაფიქრდნენ ბავშვები...  
ბოლოს სოსომ მოიფიქრა: მან სანთლის მოზრდილი ნაჭერი ამოაკრა გელს ფეხებს შუა.

მაშინ გელი კობტად ჩაჯდა წყალში და ცურაობა დაიწყო.

— ახლა კურდღელიც გავაკეთოთ —  
წამოიძახა რეზომ.

მათი კურდღელიც მზად იყო.  
მისხერებოდა კურდღელი გედს და  
ნატრობდა: ნეტავ მეც შემძლოს სურ-  
ვაო, თვითონ კი არცერთხელ არ უსინ-  
ჯავს, ვინ იცის იქნებ იმასაც მოეხერხებია  
სურვა.

ძმები იყვნენ გედი და კურდღელი,  
ერთი ქრელი დედის შვილები, მაგრამ  
მათ ეს არ იცოდნენ.



ბავშვებო, თქვენც ხომ გეშოვებით  
კვერციხი...

შ. თაბ-ლი.

## უ რ ე ბ ი უ ხ ე ბ ჯ ე

მთელი ზაფხული და შემოდგომა ისმის  
დაუსვრომელი ქრიჭინი კუტიკალიისა.

— აპროჭინდა კუტიკალია, თიბვის  
დროა — ამბობენ სოფელში და მართლაც  
ატეხილი და დაუბოლავებელი ქრიჭინი  
სწორედ მაშინ ასტყდება ხოლმე, რო-  
დესაც მინდვრად ყველა ყვავილი იშლება.  
კუტიკალიას ყველა იცნობს, მაგრამ  
ყვალამ არ იცის მათი ცხოვრება.

„მღერიაან“ მხოლოდ მოზრდილნი.  
სასიმღერო აპარატი კუტიკალიებს ასე  
აქვთ მოწყობილი: ერთ ფრთაზე და-  
ხერხილი კბილებიანი სიფრიფანა აქვს,  
მეორეზე მაგარი კუნთი განსაკუთრებულ  
გამაძლიერებელ ნახვრეტით, რომელსაც  
გადაჭიმული თხელი ტყავი აქვს.

ხმაური ისმის ერთი ფრთის შეხებით  
მეორე ფრთასთან.

ხოლო ამ სიმღერის გასაგონად კი სა-  
ჭიროა ყურები.

ყურები მათ მართლაც აქვთ, მხოლოდ  
კუტიკალიის წინა ფეხებზე, კარგად მოს-  
ჩანს მოგრძო ნახვრეტი, რომელსაც შიგ-  
ნით ისეთივე მოწყობილება აქვს, რო-  
გორც ცხოველების ყურს. ასეთივე სასიმ-  
ღერო და სმენის აპარატი აქვს ქრიჭი-  
ნას, რომელიც სახლის კედლებში ცხოვ-  
რობს.

უკანასკნელს „ყური“ მოთავსებული  
აქვს მუცელზე. მისი სიმღერა კი ძალიან  
ჭკავს ვიოლონზე (სკრიპკა) დაკვრას. აი,  
როგორ?

მისი უკანა გრძელი ფეხი ეხება ფრთას  
და ამ შეხების დროს ისმის ხმაურობა.

თამარ ჩერქეზიშვილი.

## ბ უ ნ გ ლ ი ა ს მ ი ნ ი

ძია ვასომ პატარა ნოდარი ცირკში წაი-  
ყვანა. ნოდარი სახლში ძალზე მზიარული  
დაბრუნდა და მის გონებას არ სცილდე-  
ბოდა იქ მოთამაშე ჭკვიანი ძაღლები.  
რას არ აკეთებდნენ ისინი: უკანა ფეხებზე  
დგებოდნენ, ესა თუ ის საგანი მიქონდათ  
პატრონთან და კიდევ სხვა ბევრ რამეებს  
აკეთებდნენ. პატარა ნოდარმა გადაწყვიტა

თავისი ბუნგლიასაც ასწავლოს უკანა ფე-  
ხებზე დგომა, ხელის ჩამორთმევა და ქუ-  
ლის მოტანა.

დაიწყა ნოდარმა ბუნგლიას გაწრთვნა.  
დააყენებს ბუნგლიას უკანა ფეხებზე, ის  
კი ურჩობს, აუსვამს ენას ცხვირზე და გაი-  
ქცევა. ჯავრობს პატარა ნოდარი, ურტ-  
ყამს ურჩ მოწაფეს, მაგრამ მაინც არაფერი

გამოდის. ძია ვასოც დასცინის არ ვარ-  
გინარ, არ იცი ძაღლის როგორ უნდა  
მოექცე, თორემ ძაღლი ძან ქკვიანი  
ცხოველიაო.

ერთ დღეს ბავშვები საბანაოდ წავი-  
დნენ. მათ ნოდარიც გაყვა და თან ბუნ-  
გლია წაიყვანა, იქნებ ცურაობა ვასწავ-  
ლოვო. გაიხანა ნოდარიმ, ჩავიდა წყალში,  
უყვირის ბუნგლიასაც, მაგრამ იგი ყურა-  
დღებას არ აქცევს. ჩაიყვანა ძალით, აფხა-  
კურდა ბუნგლია, ამოვარდა ზვეით და  
დაიწყო ნოდარის ტანსაცმელზე გორაობა.

ეს კიდევ არაფერი სტაცა ნოდარის შარ-  
ვალს პირი და სახლისკენ გააქცოა. ამა-  
ვარდა ნოდარი წყლიდან და უყვირის;  
— ბუნგლია, ბუნგლია მობრუნდი!  
რა, მაგრამ ბუნგლია მას ყურს არ უგდებს,  
გარბის რაც ძალი და ღონე აქვს. რაღა  
უნდა ექნა ნოდარს. მას არაფრად მოსწო-  
ნდა ბუნგლიას ოინი და იძულებული იყო  
შინ ბლუზის ამარა წასულიყო. ძია ვასო  
კი სიცილით შეხვდა პატარა დამარცხე-  
ბულ მასწავლებელს.

ქ. დევდარიანი.

## რ ა ზ რ ი ნ ვ ე ლ ი ა ?

(გამოცანა)

როცა მოდის გაზაფხული  
და ბუნება კვლავ ახლდება,  
ტყე და ველი გაფურჩქნელი  
მზის სხივებით იქარგება.

ამ დროს ისევ თბილ ქვეყნიდან  
ჩვენსკენ მოფრენს ერთი ჩიტო, —  
უვნებელი ფრინველია,  
უნდა ითქვას ქემშარიტი.

მაგრამ მასაც ერთი ზნე აქვს  
და მიტომ სძულთ, ის წვრილ ჩიტებს:  
მათ ბუდეში ჩუმად კვერცხს სდებს  
და სხვის ხარჯზედ ზრდის თვის შვილებს.  
თუ რომ სწორად გამოიცნობთ  
ამ პატარა გამოცანას,  
მე შემდეგი ნომრისათვის  
კვლავ მოგიძღვნით ამისთანას.

ალ. საჩინოელი

## სათამაშო გემი

გამოკვერით გემის ტანი ხისგან ან საცო-  
ბისგან. ანძებად წუმწემა აიღეთ, იალ-  
ქნები ქალღლის იყოს, კომლი — ბამბის.



— მეტი არაფერი უნდა?  
— დაუკვირდით და თქვენც ისე გაა-  
კეთეთ, როგორც სურათზეა.  
— ასეთ სათამაშო გემს ცურაობა შეუ-  
ძლია?  
— რატომაც? არა, მხოლოდ ლურსმნები  
კი უნდა მიაჭედოთ ქვევიდან, რომ კარგად  
ჩაჯდეს წყალში.  
გაკეთეთ რამდენიმე გემი და ჩაუშვით  
წყალში — თქვენ მთელი ფლოტი გექნე-  
ბათ.

# რა კარგი წეროვებია

ბავშვები დაჩერებოდნენ სურათს და ამბობდნენ:

- დედა, რა კარგი წეროვებია!
- ეს დიდი დედაა, პატარა კი მისი შვილია...
- ვაი, რა კარგი ნისკარტი აქვთ...
- რისგანაა, თუ იცით, ბავშვებო, ნისკარტი გაკეთებული?
- არ ვიცი...
- ბატის, ინდოურის ან სხვა ფრთისაგან.
- თავი?
- საცობისაგან.
- საცობი რა არის?
- რა არის და ის, რასაც რუსულად „პრობკას“ ეძახიან.
- ჭინძისთავი კისრად გამოიყენეთ, მავთული ფეხებად, ტანიც საცობის იქნება, კვერცხის ფორმის, საყრდენიც საცობის — და წეროვებიც მზად იქნება.

— აბა ვსინჯოთ, ვსინჯოთ! — აერია-მულდენ ბავშვები...



— სინჯეთ, მაგრამ ფრთხილად: ხელი არ გაიჭრათ.

შ. თ.

# კვადრატები



სურათზე წარმოდგენილია ხუთი კვადრატი, რომელიც გაკეთებულია ასანთის ღეროებისაგან. სამი ცალი ასანთის ღერი რომ გამოვაცალოთ, დაგვრჩება სამი კვადრატი. აბა, ამოხსენით?

წარმოდგენილია კლ. თევზაძის-მიერ





*Piano*

მელიქორაღ

*Canto*

ა-ბა, ჩა-რა ყმა წვი-ლა-ში, წა-მო, გი-გო, წა-მო, თო-პა შე-ნე შე-ნა  
შა-ნო, ყი-ვა წა-მო-ი-ლე, შე-ნა ჯი, ვან-წანე. შე-ნი თო-ფი, ა-ნა შე-ნა-ის

1. 2. 3. 4

რა-ნა-ი-ნად წა-მო შარ-დნა, წა-მო-თო-ფა შე-  
ა-ნა-სწრა-ფად ა-ვი-ნი-ნი-ნით ეს უკო-ლოში შე

*5. კლასიკური*

*rit*

ერთი შეხვ: იქ რაბდენი  
ბედურა და შაშვები!  
ზოგი ჯდებდა, ზოგი ფრინავს,  
შეხე კარგათ რას შერებინ?  
მივებაროთ, მოუაროთ...  
დღუმინზოთ შვილდ-ისარი...  
ოპო-პო, —პო რა კარგათ თოფს,  
როგორ თოვლით მოჭრის ქარი,  
აბა, ჩქარა, ყმაწვილებო,  
წამო, გიგო, წამო თომა,  
შეხე, შეხე რანაირად  
წამოპარდნა, წამოთოვა.

სარედაქციო კოლეგია: ლილა ბახვიანი, ვიოლანტი კახიანიძე (პ/შვ. რედაქტორი), ან. ლხი-  
ნიაშვილი, ზაღვა თაბუაშვილი, ცაშიტი, ნად. ხაბაბიაძე-  
შვილი, სანდრო შლენტი (პ/შვ. მდიანი).

ფანქარი 75 კპბ.

17  
საქართველოს  
საბჭოთავო  
გაზეთების  
კავშირი

5



# ОКТОМБРЕЛИ № 3

Госиздат Грузии Тифлис, 1935 г.